

Na osnovu člana 16.stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članom 45. Zakona o izvršenju Budžeta Zeničko-dobojskog kantona za 2019.godinu („Službene novine Zeničko-dobojskog kantona”, broj: 3/19), na prijedlog Ministarstva zdravstva, Vlada Zeničko-dobojskog kantona, na 17. sjednici, održanoj dana 08.08.2019. godine, d o n o s i

ZAKLJUČAK

o usvajanju Izvještaja o utrošku sredstava za period januar-juni po Programu utroška sredstava planiranih u Budžetu Zeničko-dobojskog kantona za 2019. godinu na poziciji „ Kapitalni transferi drugim nivoima vlasti - za zdravstvo“

I.

Usvaja se Izvještaj o utrošku sredstava za period januar - juni po Programu utroška sredstava planiranih u Budžetu Zeničko-dobojskog kantona za 2019. godinu na poziciji „Kapitalni transferi drugim nivoima vlasti - za zdravstvo“ i čini sastavni dio ovog zaključka.

II.

Zaključak stupa na snagu danom donošenja.

Broj: 02- /19
Datum, 08.08.2019. godine
Z e n i c a

PREMIJER
po ovlaštenju

Mirnes Bašić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**IZVJEŠTAJ O UTROŠKU SREDSTAVA ZA PERIOD JANUAR-JUNI
PO PROGRAMU UTROŠKA SREDSTAVA PLANIRANIH U
BUDŽETU ZENIČKO-DOBOJSKOG KANTONA ZA 2019. GODINU
NA POZICIJI „KAPITALNI TRANSFERI DRUGIM NIVOIMA VLASTI - ZA
ZDRAVSTVO“**

Zenica, august 2019. godine

I UVOD

Članom 33. stav (2) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), propisano je da se sredstva utvrđena u razdjelu 21, budžetska organizacija 01, potrošačka jedinica 0001 Budžeta-Ministarstvo zdravstva - pozicija „Kapitalni transferi drugim nivoima vlasti- za zdravstvo“, koriste prema programu utroška, odnosno aktima koje donosi Vlada kantona, a članom 45. stav (4) navedenog Zakona, propisana je obaveza resornih ministarstava da polugodišnje izvješte Vladu Zeničko-dobojskog kantona o utrošku sredstava.

Vlada Zeničko-dobojskog kantona, na prijedlog Ministarstva zdravstva usvojila je Zaključak o usvajanju Programa utroška sredstava planiranih u Budžetu Zeničko-dobojskog kantona za 2019. godinu na poziciji „Kapitalni transferi drugim nivoima vlasti- za zdravstvo“, broj: 02-14-7749/19 od 07.05.2019. godine, kojim je planirana potrošnja sredstava u iznosu od 1.400.000,00 KM za sljedeće programe:

1. Kapitalni transferi za JU Kantonalna bolnica Zenica - planirani iznos sredstava 1.100.000,00 KM,
2. Kapitalni transfer za rješavanje problema zagrijavanja objekta Zavoda za medicinu rada i sportsku medicinu Zeničko-dobojskog kantona i Aneksa A i B koji koristi JU Kantonalna bolnica Zenica – planirani iznos sredstava 100.000,00 KM i
3. Kapitalni transferi ostalim javnim zdravstvenim ustanovama - planirani iznos sredstava 200.000,00 KM.

U periodu januar-juni 2019. godine ostvaren je nizak procenat izvršenja kapitalnih transfera u odnosu na linearno planirana sredstva zbog činjenice da je Program utroška sredstava usvojen u petom mjesecu, te da je osnov potrošnje sredstava donošenje odluka koje donosi Vlada Zeničko-dobojskog kantona, na zahtjev zdravstvenih ustanova i prijedlog Ministarstva zdravstva.

Iako u prvom polugodištu 2019. godine nije bilo značajnih troškova po osnovu kapitalnih transfera, Izvještaj o utrošku sredstava je sačinjen u cilju informisanja Vlade Zeničko-dobojskog kantona o svim donesenim odlukama, čija će realizacija opteretiti Budžet Zeničko-dobojskog kantona u drugom polugodištu ove godine.

II REALIZACIJA KAPITALNIH TRANSFERA ZA ZDRAVTSVO

Ukupni troškovi po osnovu kapitalnih transfera za zdravstvo u periodu januar-juni 2019. godine iznose 100.115,01 KM, što je samo 14,3% linearno planiranih sredstava usvojenih

Budžetom Zeničko-dobojskog kantona za 2019. godinu.

Navedeni troškovi u cjelosti se odnose na kapitalne transfere za JU Kantonalna bolnica Zenica, a po osnovu kapitalnog transfera za rješavanje problema zagrijavanja objekta Zavoda za medicinu rada i sportsku medicinu Zeničko dobojskog kantona i Aneksa A i B koji koristi JU Kantonalna bolnica Zenica i kapitalnih transfera ostalim javnim zdravstvenim ustanovama nije bilo troškova.

1. Kapitalni transferi za JU Kantonalna bolnica Zenica - planirana sredstva na godišnjem nivou 1.100.000,00 KM

Vlada Zeničko-dobojskog kantona je, u skladu sa članom 13. Zakona o zdravstvenoj zaštiti („Službene novine Federacije Bosne i Hercegovine“, broj 46/10 i 75/13), kao osnivač JU Kantonalna bolnica Zenica, planirala sredstva u Budžetu Zeničko-dobojskog kantona za 2019. godinu u ukupnom iznosu od 1.100.000,00 KM, od čega je za nabavku medicinske opreme planirano 957.000,00KM, rezervne dijelove 59.807,00 KM, građevinsko- zanatske radove 56.751,00 KM, dok se iznos od 26.442,00 KM odnosi na realizaciju Odluke o odobravanju sredstava za nabavku opreme za potrebe Odjela za mikrobiologiju (za zamrzivače do -80° i do -30°), broj:02-14-17671/18 od 30.11.2018. godine.

Ukupni troškovi po osnovu kapitalnih transfera za JU Kantonalna bolnica Zenica u periodu januar-juni 2019. godine iznose 100.115,01 KM, od čega se 26.442,00 KM odnosi na realizaciju Odluke o odobravanju sredstava za nabavku opreme za potrebe Odjela za mikrobiologiju, a iznos od 73.673,01 KM na realizaciju Odluke o odobravanju sredstava za nabavku opreme za potrebe JU Kantonalna bolnica Zenica, broj: 02-14-9236/19 od 29.05.2019. godine (odobreni iznos 20.702,95 KM) i Odluke o odobravanju sredstava za nabavku rezervnih dijelova za medicinsku i nemedicinsku opremu i sanitetsko vozilo za potrebe JU Kantonalna bolnica Zenica, broj: 02-14-9237/19 od 29.05.2019. godine (odobreni iznos 52.970,06 KM).

U sljedećoj tabeli dat je pregled nabavki koje su finansirane navedenim odlukama:

Red br.	Vrsta nabavke	Iznos u KM
1.	Oscilirajuća pila na baterije za Odjel ortopedije i traumatologije	6.914,50
2.	Medicinski frižider za potrebe Bolničke apoteke	6.786,00
3.	Uređaj Forti Gate 100E	7.002,45
	Ukupno Odluka Vlade Zeničko-dobojskog kantona broj: 02-14-9236/19	20.702,95
1.	Rezervni dijelovi za CTG	4.282,20
2.	Rezervni dijelovi za operacioni sto Magnet	6.927,57
3.	Rezervni dijelovi za sterilizator Tattnauer	2.351,70
4.	Rezervni dio za ultrazvučni aparat En Visor proizvođača Philips	13.162,50
5.	Rezervni dio za aparat Cobas Integra 400 Plus	3.511,30
6.	Rezervni dijelovi za medicinsku opremu Drager	5.741,42
7.	Novi originalni rezervni dijelovi za vozilo Renault Trafic 2,0 (reparacija motora sanitetskog vozila)	11.698,83
8.	Rezervni dijelovi na linearnom akceleratoru Compact proizvođača Elekta	5.294,54

	Ukupno Odluka Vlade Zeničko-dobojskog kantona broj: 02-14-9237/19	52.970,06
--	--	------------------

U prvom polugodištu 2019. godine na prijedlog Ministarstva zdravstva, Vlada Zeničko-dobojskog kantona donijela je odluke o odobravanju sredstava za JU Kantonalna bolnica Zenica u ukupnom iznosu od 956.571,44 KM, čija će realizacija teretiti Budžet Zeničko-dobojskog kantona u narednom periodu, nakon okončanja postupaka javnih nabavki koje provodi JU Kantonalna bolnica Zenica i to:

1. Odluku o odobravanju sredstava za nadogradnju linearnog akceleratora (MK4 i sistem za planiranje) za potrebe JU kantonalna bolnica Zenica, broj: 02-14-9230/19 od 29.05.2019. godine- odobreni iznos 200.000,00 KM,
 2. Odluku o odobravanju sredstava za nabavku endoskopske opreme za potrebe JU Kantonalna bolnica Zenica, broj: 02-14-9231/19 od 29.05.2019. godine- odobreni iznos 200.000,00 KM,
 3. Odluku o odobravanju sredstava za nabavku operacionog stola za potrebe JU Kantonalna bolnica Zenica, broj: 02-14-9232/19 od 29.05.2019. godine- odobreni iznos 200.000,00 KM,
 4. Odluku o odobravanju sredstava za nabavku ultrasoničnog aspiratora CUSA za potrebe JU Kantonalna bolnica Zenica, broj: 02-14-9233/19 od 29.05.2019. godine – odobreni iznos 200.000,00 KM,
 5. Odluku o odobravanju sredstava za nabavku defibrilatora i infuzomata za potrebe JU Kantonalna bolnica Zenica, broj: 02-14-9234/19 od 29.05.2019. godine - odobreni iznos 100.000,00 KM i
 6. Odluku o odobravanju sredstava za radove na održavanju infrastrukture za potrebe JU Kantonalna bolnica Zenica, broj: 02-14-9235/19 od 29.05.2019. godine - odobreni iznos 56.571,44 KM.
- 2. Kapitalni transfer za rješavanje problema zagrijavanja objekta Zavoda za medicinu rada i sportsku medicinu Zeničko-dobojskog kantona i Aneksa A i B koji koristi JU Kantonalna bolnica Zenica – planirani iznos sredstava 100.000,00 KM na godišnjem nivou**

Po navedenom osnovu u prvom polugodištu ove godine nije bilo troškova, obzirom da je u toku izrade tenderske dokumentacije za zajedničku nabavku (JU Kantonalna bolnica Zenica i Zavod za medicinu rada i sportsku medicinu zeničko-dobojskog kantona) za nabavku usluga zagrijavanja objekta Stacionara.

3. Kapitalni transferi za ostale javne zdravstvene ustanove planirana sredstva na godišnjem nivou 200.000,00 KM

U periodu januar-juni 2019. godine nije bilo troškova po osnovu kapitalnih transfera za ostale javne zdravstvene ustanove.

Vlada Zeničko-dobojskog kantona je donijela sljedeće odluke o odobravanju sredstava za izdvajanja po osnovu kapitalnih transfera za ostale zdravstvene ustanove u ukupnom iznosu od 120.000,00 KM:

1. Odluku o odobravanju sredstava za sufinansiranje nabavke sanitetskog vozila za potrebe JU „Dom zdravlja“ Olovo, broj: 02-14-9938/19 od 12.06.2019. godine - odobreni iznos 20.000,00 KM,
2. Odluku o odobravanju sredstava za sufinansiranje nabavke ultrazvučnog aparata i dentalnog RTG aparata za potrebe JU „Dom zdravlja“ Zenica, broj: 02-14-9937/19 od 12.06.2019. godine - odobreni iznos 50.000,00 KM,
3. Odluku o odobravanju sredstava JU „Dom zdravlja“ Žepče za sufinansiranje nabavke vozila za prevoz dijaliznih pacijenata, broj. 02-14-11634/19 od 18.07.2019. godine- odobreni iznos 30.000,00 KM i
4. Odluku o odobravanju sredstava JU „Dom zdravlja“ Kakanj za sufinansiranje nabavke sanitetskog vozila- odobreni iznos 20.000,00 KM.

Ministarstvo zdravstva je proslijedilo Vladi Zeničko-dobojskog kantona na usvajanje Prijedlog Odluke o odobravanju sredstava JU „Dom zdravlja“ Zavidovići za sufinansiranje radova na dogradnji Centra za mentalno zdravlje u iznosu 50.000,00 KM.

JU „Dom zdravlja“ Visoko obratila se Ministarstvu zdravstva sa zahtjevom za nabavkom RTG aparata. Budući da su u Programu utroška sredstava za navedenu zdravstvenu ustanovu planirana sredstva u iznosu 20.000,00 KM, a kako se radi o skupom aparatu za koji ova ustanova nema vlastitih sredstava za finansiranje, dogovoreno je da svoj zahtjev usmjere na nabavku koja će biti u okviru planiranih sredstava.

JU „Dom zdravlja“ Usora nije se obratila Ministarstvu zdravstva za donošenje odluke o odobravanju sredstava (Programom planirana sredstva u iznosu 10.000,00 KM).

Troškovi po svim odlukama za odobravanje sredstava za ostale zdravstvene ustanove teretit će Budžet Zeničko-dobojskog kantona u narednom periodu.

Ministarstvo zdravstva je sačinilo navedeni Izvještaj radi transparentnog utroška budžetskih sredstava. Izdvajanjem sredstava iz budžeta za nabavku nove opreme, popravke postojeće opreme i ostalim ulaganjima u stalna sredstva doprinosi se poboljšanju kvaliteta zdravstvene zaštite.

MINISTAR

dr Adnan Jupić